

AUGURI CON VERSI NAPOLETANI DI MARIO DE BONIS - Presidente Associazione Culturale “dal Vesuvio al Gran sasso” - Abruzzo Teramano - Dicembre 2021



Natale c'o Presepio

Natale c'o Presepio nata vota sò turnate
e cu' lloro sò turnate 'ncap'a me mille penziere!
Sulo nu desiderio resta uguale: vurria turnà
nata vota guaglione cum 'a ieri!

Vurria 'ncuntrià chillu polecenella ca pazziava
cu' mico l'anne e l'ore sane, quann'io 'o vuttav
cu' na mazzarella, muvev' a capu, s'atturcellava
e sbatteva sempe 'e mmane!

Vurria spì a papà ca fà 'o Presepio e ca saiza
tutto di nascosto, pe' nu scetà 'e criature
e preparà nu spettacolo fatto a posta, vurria
'mpastà culure, colla e farina.

Vurria 'nchiuvà legname, farce casaralle,
mettere "Cicibbacco" mbracciato int' a cantina,
o cane-lupo minieze a tanta pecorelle, vurria
pure vedè sparà nu cacciatore.

Bello po' senti sunà nu zampugnaro e, mentre
vurria pescà nziemme c'o piscatore, vurria
darmi pur'io dint' o pagliaro, facenne finta
'e sunnà a uocchi chiuse.

E' a sera d'a vigilia, a mezzanotte, quann' e
campane stanno pe' sunà, io m'addenocchìo
'manz' a chella grotta, voglio vederlo nascere,
chiagnere o pregà.

E mentre 'o munno sano starà preganne,
turnerranno 'ncap'a me mille penziere
e turnerrà 'o desiderio 'e tutte l'anne, vurria
turnà guaglione cum 'a ieri!

Poesia recitata dal nostro Presidente nella Cappella Palatina di Palazzo Reale
dove il famoso Presepio, già di proprietà del Banco di Napoli, fu trasferito da
Palazzo San Giacomo per rimanere affidato alla "napoletanità storica".